



Quintá - A Grade (San Vicente) - Chantada, 1978

Informante: Concha Casal Eiriz "Concha do Casal"

Compilador: Miguel López Coira

Autores da recolla: Miguel López Coira e Xosé Figueroa

Transcrición: Paula González e Isabel Vigo

En Galicia eu nacín
i en Galiza quero estare
porque se estou noutras terras
non faigo máis ca chorare.

*Viva a nosa Galiza,
viva a nosa rexión
i o pobo de Chantada
que del é o corazón.*

Cada vez que che me acordan
aquiles porcos cebados
i o sequeiro dos chaureles
que se fai todos os anos.

*Viva a nosa Galiza,
viva a nosa rexión
i o pobo de Chantada
que del é o corazón.*

Os touciños i os pernís
nas gancheiras do canizo,
un torrezmo pide outro
bebendo cuncas de viño.

*Viva a nosa Galiza,
viva a nosa rexión
i o pobo de Chantada
que del é o corazón.*

I o leitíño das vaquiñas
que fai dous dedos de nata,
ovos frescos das galiñas
topados en rateiradas.

*Viva a nosa Galiza,
viva a nosa rexión
i o pobo de Chantada
que del é o corazón.*



Pra facer tortillas gordas
e torradas ben delgadas,
coméndoas ó pé do lume
cando hai as nevaradas.

*Viva a nosa Galiza,
viva a nosa rexión
i o pobo de Chantada
que del é o corazón.*

Chourellos, mazás asadas,
no borrallo da lareira,
déixame estar en Galicia
no tempo da castañeira.

*Viva a nosa Galicia,
viva a nosa rexión
i o pobo de Chantada
que del é o corazón.*

Cando a galiña abre a boca
alá polo vran arriba,
debaixo da ramalleira
déixame estar en Galicia.

*Viva a nosa Galiza,
viva a nosa rexión
i o pobo de Chantada
que del é o corazón.*

Mentras es un rapaz novo
debes de buscar a vida,
vaite ganar o que poidas
e despois volve a Galiza.

*Viva a nosa Galiza,
viva a nosa rexión
i o pobo de Chantada
que del é o corazón.*

Moitas máis cousas diría
das boas que hai eiquí,
pero a xente de outras terras
non ten ganas de me oír.



**Museo
do Pobo
Galego**



instituto de
estudos das
identidades

*Viva a nosa Galicia,
viva a nosa rexión
i o pobo de Chantada
que del é o corazón.*